

¡BOMBA!

Calculando el acimut terminamos más dolidos; entre los muertos y heridos, alguien llora por Beirut




K'untzil

Miércoles 5 de agosto de 2020

CAMPECHE · YUCATÁN · QUINTANA ROO · AÑO 6 · NÚMERO 1289 · www.lajornadamaya.mx

XAK'AL XOOKE' KU YE'ESIK ÉSPERMATOSYOYDEOBE' MA'ATECH U BÁABO'OB JE'EX TUKULTA'ANE'

ESTUDIO DEMUESTRA QUE LOS ESPERMATOSOIDES NO NADAN COMO SE CREÍA



Oochel POLYMATHS-LAB.COM

MÉXICO. Te'e k'iino'oba', jump'él u xak'al xookil microscopía ich 3De', beeta'an tumen u ajmeyajilo'ob Universidad Nacional Autónoma de México yéetel Universidad de Bristol, tu noj lu'umil Reino Unidoe', tu ts'áaj k'ajóotbile' u éespermatosoyde'ob wíinike' ma'atech u báabo'ob, u jaajile', ma'atech xan u sutulsutiko'ob u nej, chéen looloch ts'o'okole' chéen ti' jump'él tséelik ku péeksik.

Yéetel le je'ela', ku p'áatal paachil yáax tuukul jóok'sa'an tumen neerlandesil jxak'al xook yéetel juntúul ti' le máaxo'ob patjo'olt microbiología Antón van

Leeuwenhoek, tu'ux tu ya'alaje' u péek éespermatosoydeil wíinike' óoli' je'ex u péek juntúul "kaane'", tséelin tséel u péek u nej gametoo' ti'al u ch'a'ak u muuk u bin táanil.

Túumben ba'ax kaxta'abe', xak'alta'ab tumen Gabriel Corkidi yéetel Alberto Darszon, máaxo'ob ku meyajo'ob UNAM, beyxan táakpaj Hermes Gadelha, máax ku meyaj ti' Universidad de Bristol. Leti'obe' tu ya'alajo'ob ba'ax táant u yojéelta'ale' ku t'abik túumben sáasil ti'al u k'ajóolta'al uláak' ba'alo'ob yóok'lal bix u s'ijil máak.

Xak'al xooke', jts'a'ab k'ajóoltbil ti' u pik'il ju'unil Science Advances,

ts'o'okole' ku ya'alike', u péek éespermatosoyde'obe' jach beey u néentmajubáaj -ásimétriko-, chéen ti' juntséelik u yúuchul, le beetike' unaj beey wóolis u beel le ken báabnak, ba'ale' "ts'o'ok u jach ch'a'anuktiko'ob bix u kuxtalo'obi'" yéetel bix u xímbalo'ob, beey úuchik u tso'olol tumen u noj najil xook Universidad de Bristol ti' jump'él k'a'ayajil ts'íib.

Beyxan, a'alabe', u chan pool éespermatosoydee' unaj u sutulsuut tu yóok'ol ti'al beyo' u páajtal u bin toj, ts'o'okole' juntakáalili' xan u suut yéetel u nej.

DLR / P 18